



НИЙСЛЭЛ ДЭХ ТӨРИЙН АУДИТЫН ГАЗАР ГҮЙЦЭТГЭЛИЙН АУДИТЫН АЛБА

**НИЙСЛЭЛИЙН ТӨСВИЙН 2025 ОНЫ
ХӨРӨНГӨ ОРУУЛАЛТЫН ТӨЛӨВЛӨГӨӨНИЙ
ХЭРЭГЖИЛТ, ҮР ДҮН**

АУДИТЫН ТАЙЛАНГААС





“Нийслэлийн төсвийн 2025 оны хөрөнгө оруулалтын төлөвлөгөөний хэрэгжилт, үр дүн”


Ерөнхий мэдээлэл



НИТХ-ын 2024 оны 24/33 дугаар тогтоолоор 2025 онд 405 төсөл, арга хэмжээг 4,666.2 тэрбум төгрөгөөр санхүүжүүлэхээр баталж, төсөвт 5 удаа тодотгол хийж 2025 оны 25/132 дугаар тогтоолоор нийт 484 төсөл, арга хэмжээг 2,926.1 тэрбум төгрөгөөр санхүүжүүлэхээр баталсан.



Нийслэлийн төсвийн хөрөнгө оруулалтаар батлагдсан 117 ТАХ-г гүйцэтгэлийн шатанд 623 багц ТАХ болгон задалснаас шинээр эхлэх 34 төслийг 246, шилжих 29 төслийг 132, дамжих шинэ 17 төслийг 109, дамжих шилжих 37 төслийг 136 багц ажил болгон хэрэгжүүлсэн байна..



НИТХ-ын тогтоолуудаар нийслэлийн төсвийн хөрөнгө оруулалтын төлөвлөгөөг шинэчлэн батлахдаа ТАХ-ний тоог 79, нийт төсөвт өртгийг 5,583.5 тэрбум төгрөгөөр нэмэгдүүлж, 2025 оны санхүүжилтийг 1,740.1 тэрбум төгрөгөөр бууруулсан бөгөөд нийслэлийн хөрөнгө оруулалт 2022 оны 1,412.5 тэрбум төгрөгөөс 2025 онд 16,713.0 тэрбум төгрөгт хүрч 11.8 дахин өссөнөөс 50.2 хувь буюу 8,387.8 тэрбум төгрөг нь метроны төслийн бүтээн байгуулалтад ногдож байна.

Захиалагчийн хяналт хэрэгжүүлсэн 813 төсөл, арга хэмжээнээс 59.7 хувь нь хэрэгжиж дууссан, 36.9 хувь нь хэрэгжиж байгаа, 3.4 хувь нь гэрээний хугацаа сунгаагүй болон цуцалсан байна.



“Нийслэлийн төсвийн 2025 оны хөрөнгө оруулалтын төлөвлөгөөний хэрэгжилт, үр дүн”



Нийслэлийн иргэдийн Төлөөлөгчдийн Хурлын тогтоолоор баталсан 118 төсөл, арга хэмжээ нь (задарсан 469 багц ажил) хөгжлийн бодлогын дунд болон богино хугацааны баримт бичгүүдтэй бүрэн нийцээгүй байна.



Нийслэлийн төсвийн 2025 оны хөрөнгө оруулалтаар хэрэгжих зарим төсөл, арга хэмжээг зураг төсөвгүй, техникийн шаардлага хангаагүй байхад багцлан задалж тоо хэмжээг 2.8 дахин нэмэгдүүлсэн байна.



Нийслэл дэх Төрийн аудитын газраас Нийслэлийн Засаг даргын 2025 оны төсвийн төсөлд хөрөнгө оруулалтын төлөвлөлттэй холбоотой өгсөн санал, өмнөх оны аудитаар өгсөн зөвлөмжийг хэрэгжүүлж ажиллаагүй байна.



“Нийслэлийн төсвийн 2025 оны хөрөнгө оруулалтын төлөвлөгөөний хэрэгжилт, үр дүн”



Худалдан авах ажиллагаа зохион байгуулсан төсөл, арга хэмжээний 46.5 хувь нь төлөвлөгөөнд тусгагдаагүй буюу нэмэлтээр хэрэгжсэн, 57.1 хувь нь төсөвлөлтийн шаардлага хангаагүй байна.



Тендерийн баримт бичигт заасан шалгуур үзүүлэлтийг хангаагүй гүйцэтгэгчийг сонгон шалгаруулсан зөрчил буурсан байна.



Хөрөнгө оруулалтын бодит гүйцэтгэлд тавих захиалагчийн хяналт хангалтгүй байсны улмаас 65.7 тэрбум төгрөгийн санхүүжилтийг Төсвийн тухай хуульд заасан шаардлагад нийцүүлэлгүй олгосон байна.



Төсөл, арга хэмжээг төсөвлөлтийн шаардлага хангаагүй баталсны улмаас гүйцэтгэлийн явцад зураг төсөв боловсруулах, газар чөлөөлөх зэрэг нэмэлт ажлууд хийгдэж, нийт гэрээний 62.9 хувь нь хугацаа хоцорсон байна.

Хэрэгжиж дууссан ТАХ-ний 49.1 хувийг өмчийн бүртгэлд тусгасан, барилга угсралт, зураг төслийн ажлууд төлөвлөлтийн алдаанаас шалтгаалж удаашралтай байна.



Аудитаар илрүүлсэн зүйлс, аудитын дүнд үндэслэн дараах дүгнэлтүүдийг хийж байна. Үүнд:



1. Нийслэлийн 2025 оны төсвийн хөрөнгө оруулалтаар шинээр хэрэгжих 118 төсөл, арга хэмжээ (задарсан 469 багц ажил) нь хөгжлийн бодлогод бүрэн нийцээгүй, нийт төсөл, арга хэмжээний 49.8 хувь нь зураг төсөвгүй, газрын зөвшөөрөлгүй зэрэг төсөвлөлтийн шаардлага хангаагүй байхад баталсан нь Төсвийн тухай хууль болон Төрийн хэмнэлтийн тухай хуулийг зөрчиж байна.

2. Худалдан авах ажиллагаа зохион байгуулсан төсөл, арга хэмжээний 46.5 хувь нь нэмэлтээр батлагдсан, 57.1 хувь нь төсөвлөлтийн шаардлага хангаагүй байгаа нь төлөвлөлт болон бэлтгэл ажил хангалтгүй байгааг харуулж байна. Харин тендерийн шалгуур хангаагүй гүйцэтгэгчийг сонгон шалгаруулах зөрчил өмнөх онтой харьцуулахад буурсан эерэг үзүүлэлттэй байна.

3. Төсөл, арга хэмжээний бэлтгэлийг бүрэн хангаагүй (зураг төсөв, газар чөлөөлөлт г.м) баталсны улмаас нийт гэрээний 62.9 хувь нь хугацаа хоцорсон, барилга угсралт, зураг төслийн ажлууд төлөвлөлтийн алдаанаас шалтгаалан удааширсан байна.

4. Захиалагчийн хяналт хангалтгүйгээс 65.7 тэрбум төгрөгийн санхүүжилтийг холбогдох хууль журамд нийцүүлэн олгоогүй байна.

5. Нийслэл дэх Төрийн аудитын газраас өмнөх оны аудитаар өгсөн зөвлөмж болон төсвийн төсөлд өгсөн саналуудыг хэрэгжүүлж ажиллаагүй нь алдаа зөрчил дахин давтагдах нөхцөлийг бүрдүүлжээ.

6. Хэрэгжиж дууссан төсөл, арга хэмжээний үр дүнд бий болсон хөрөнгийн 49.1 хувийг өмчийн бүртгэлд тусгаагүй байна.



“Нийслэлийн төсвийн 2025 оны хөрөнгө оруулалтын төлөвлөгөөний хэрэгжилт, үр дүн”

Аудитын дүн, дүгнэлтэд үндэслэн дараах зөвлөмжийг өгч байна. Үүнд:

НИЙСЛЭЛИЙН ИРГЭДИЙН ТӨЛӨӨЛӨГЧДИЙН ХУРАЛД:



- ❖ *Нийслэлийн Засаг даргаас өргөн мэдүүлсэн хөрөнгө оруулалтын төсөл, арга хэмжээг төсөвлөлтийн шаардлага хангасан эсэхийг хянаж, батлах.*
- ❖ *Төрийн хэмнэлтийн тухай хуулийн 13 дугаар зүйлийн 13.1.1-т “батлагдсан төсөл, арга хэмжээний худалдан авах ажиллагааг жил бүрийн 05 дугаар сарын 31-ний өдрийн дотор бүрэн дуусгах” гэж заасныг мөрдөж, шинээр хэрэгжих төсөл, арга хэмжээг төсөвт батлахгүй байх.*

НИЙСЛЭЛИЙН ЗАСАГ ДАРГА БӨГӨӨД УЛААНБААТАР ХОТЫН ЗАХИРАГЧИД:



- ❖ *Нийслэлийн төсвийн хөрөнгө оруулалтын төсвийн төсөлд болон төсвийн жилийн дундуур төсөвлөлтийн шаардлага хангасан ТАХ-г тусгаж, түүнд худалдан авах ажиллагааг зохион байгуулах.*
- ❖ *Төсөл, арга хэмжээг хэрэгжилтийн шатанд үндэслэлгүйгээр жижиг багцуудад хуваан (дунджаар 5.3 дахин) зохион байгуулж байгаа болон зарим худалдан авах ажиллагааг ажлын даалгавраар зохион байгуулж байгаа зөрчлийг зогсоох.*
- ❖ *Гэрээний хугацаа хоцорсон төсөл, арга хэмжээний шалтгааныг тодруулж, гэрээний хэрэгжилтийг хангуулах арга хэмжээ авах.*
- ❖ *Хэрэгжиж дууссан төсөл, арга хэмжээний дүнд бий болсон хөрөнгө болон ТЭЗҮ, зураг төсөл, баримт бичиг, тайлан боловсруулах төсөл, арга хэмжээний үр дүнг өмчийн бүртгэлд бүрэн тусгах.*
- ❖ *Аудитаар илэрсэн зөрчлүүд болон өмнөх оны зөвлөмжийг хэрэгжүүлээгүй байгууллага, албан тушаалтанд хариуцлага тооцох.*

